



卷  
七  
上  
下

831756

看詩隨錄晉五古卷六

甯河高 靜慎莽選

詠史八首



弱冠弄柔翰卓犖羣書著論準過秦沈德潛云陶岳漢魏自鑄章詞故是一代作手其說與賦擬子虛邊城

苦鳴鏑羽檄飛京都不必考諸一人一事而古人已性情俱見此千秋絕唱也雖非甲冑士疇昔覽穰苴長嘯激清

風志若無東吳鉞刀貴一割夢想騁良圖左眎澄江湘右

盼定羌胡功成不受爵長揖歸田廬

鬱鬱澗底松離離山上苗以彼徑寸莖蔭此百尺條世胄

躡高位英俊沈下僚地勢使之然由來非一朝金張藉舊

業七葉珥漢貂馮公豈不偉白首不見招

看詩隨錄 卷六

吾希段干木偃息藩魏君吾慕魯仲連談笑卻秦軍當世

貴不羈遭難能解紛功成恥受賞高節卓不羣臨組不肯

緜對珪甯肯分連靈曜前庭比之猶浮雲

濟濟京城內赫赫王侯居冠蓋蔭四術朱輪竟長衢朝集

金張館暮宿許史廬南鄰擊鐘磬北里吹笙竽寂寂揚子

宅門無卿相與寥寥空宇中所講在元虛言論準宣尼辭

賦擬相如悠悠百世後英名擅八區

皓天舒白日靈景耀神州列宅紫宮裏飛宇若雲浮峩峩

高門內藹藹皆王侯二詩併錄自非攀龍客何為歛來遊被褐出閭

闔高步追許由振衣千仞岡濯足萬里流

荆軻飲燕市酒酣氣益震哀歌和漸離謂若傍無人雖無  
壯士節與世亦殊倫高盼翹四海豪右何足陳貴者雖自  
貴視之若埃塵賤者雖自賤重之若千鈞  
主父宦不達骨肉還相薄買臣困樵採伉儷不安宅陳平  
無產業歸來鬻負郭長卿還成都壁立何寥廓四賢豈不  
偉遺烈光篇籍當其未遇時憂在填溝壑英雄有迥邐由  
來自古昔何世無奇才遺之在草澤  
習習籠中鳥舉翮觸四隅落落窮巷士抱影守空廬出門  
無通路枳棘塞中塗計策棄不收塊若枯池魚外望無寸  
祿內顧無斗儲親戚還相蔑朋友日夜疎蘇秦北遊說李  
看詩隴錄

卷六

二

願餘巢林棲一枝可爲達士模

招隱二首

沈評太冲胸次高曠而筆力又復雄邁豈潘陸輩所得  
杖策招隱士荒塗橫古今巖穴無結構邱中有鳴琴白雲  
比考鐘嶽品爲野於陸機而深於潘岳不知太冲者也  
停陰岡丹葩曜陽林石泉漱瓊瑤纖鱗亦浮沈非必絲與

竹山水有清音何事待嘯歌灌木自悲吟秋菊兼餼糧幽  
蘭間重襟躊躇足力煩聊欲投吾簪

經始東山廬果下自成榛前有寒泉井聊可瑩心神峭蒨  
青蔥間竹柏得其真弱葉棲霜雪飛榮流餘津爵服無常  
玩好惡有屈伸結綬生纏牽彈冠去埃塵惠連非吾屈首

陽非吾仁相與觀所尚逍遙撰良辰

雜詩

秋風何列列白露為朝霜柔條旦夕勁綠葉日夜黃明月  
出雲崖瞰瞰流素光披軒臨前庭嗽嗽晨雁翔高志局四  
海塊然守空堂壯齒不恆居歲暮常慨慷

遊仙詩

郭璞

京華遊俠窟山林隱遯棲朱門何足榮未若託蓬萊臨源  
抱清波陵岡掇丹萸靈溪可潛盤安事登雲梯漆園有傲

吏萊氏有逸妻進則保龍見退為觸藩抵高蹈風塵外長  
揖謝夷齊

看詩隨錄

卷六

三

青溪千餘仞中有一道士雲生梁棟間風出窗戶裏借問  
此何誰云是鬼谷子翹跡企頰陽臨河思洗耳聞闔西南  
來潛波渙鱗起靈如顧我笑粲然啟玉齒蹇脩時不存要  
之將誰使

翡翠戲蘭苔容色更相鮮綠蘿結高林蒙龍蓋一山中有  
冥寂士靜嘯撫清絃放情凌霄外嚙藥挹飛泉赤松臨上  
遊駕鴻乘紫煙左挹浮邱袖右拍洪崖肩借問蜉蝣輩甯  
知龜鶴年

六龍安可頓運流有代謝時變感人思已秋復願夏淮海  
變微禽吾生獨不化雖欲騰丹谿雲螭非我駕愧無魯陽

德迴日向三舍臨川哀年邁撫心獨悲吒

逸翮思拂霄決足羨遠遊清源無增瀾安得運吞舟瑋璋

雖特達明月難闔投潛穎怨清陽陵苕哀素秋悲來惻丹

心零淚緣纓流

雜縣寓魯門風暖將爲災吞舟涌海底高浪駕蓬萊神仙

起然而末載然而止須玩章法

排雲出但見金銀臺陵陽挹丹溜容成揮玉杯姮娥揚妙

音洪厓領其頤升降隨長煙飄颻戲九垓奇齡邁五龍千

歲方嬰孩燕昭無靈氣漢武非仙才

晦朔如循環月盈已復魄暮收清西陸朱羲將由白寒露

拂陵若女蘿辭松柏薜榮不終朝蜉蝣豈見夕圓印有奇

看詩隨錄

卷六

四

草鍾山出靈液王孫列入珍安期鍊五石長揖當塗人去

來山林客

賜谷吐靈曜扶桑森千丈朱霞升東山朝日何晃朗迴風

流曲樞幽室發逸響悠然心永懷矜耳自遐想仰思舉雲

翼延首矯玉掌嘯傲遺世羅縱情任獨往明道雖若昧其

中有妙象希賢宜勵德羨魚當結網

採藥遊名山將以救年頽呼吸滋玉液妙氣盈胸懷登山

撫龍馴迅駕乘奔雷鱗裳逐電曜雲蓋隨風迴手頓羲和

轡足踏閭闔開東海猶蹄泮崑崙若蟻堆遐邇冥茫中俯

視令人哀

氣贊成厥美

扶風歌

劉琨

朝發廣莫門暮宿丹水山沈云越石英雅失路萬摧悲涼放其詩隨筆頓吐哀音左手彎繁弱右手揮龍淵顧瞻

望宮闕俯仰御飛軒據鞍長歎息淚下如流泉繫馬長松

下發鞍高岳頭烈烈悲風起冷澗水流揮手長相謝哽

咽不能言浮雲爲我結歸鳥爲我旋去家日已遠安知存

與亡慷慨窮林中抱膝獨摧藏麋鹿遊我前猿猴戲我側

資糧既乏盡被蕨安可食攬轡命徒侶吟嘯絕巖中君子

道微矣夫子固有窮惟昔李騫期寄在匈奴庭忠信反獲

罪漢武不見明我欲竟此曲此曲悲且長棄置勿重陳重

陳令心傷

看詩隨錄

卷六

五

重贈盧諶

握中有懸壁臧榮緒云現詩託意非常本自荆山璆惟彼太公望昔在涓濱叟鄧生

何感激千里來相求白登幸曲逆鴻門賴留侯重耳任五

賢小白相射鈞苟能隆二伯安問黨與讐中夜撫枕歎想

與數子遊吾衰久矣夫何其不夢周誰云聖達節知命故

不憂宣尼悲獲麟西狩涕孔邱功業未及建夕陽忽西流

時哉不我與去乎若雲浮朱實隕勁風繁英落素秋狹路

傾華蓋駭駟摧雙軸何意百鍊剛化爲繞指柔

時興詩

盧諶

臺臺圓象運悠悠方儀廓忽忽歲云暮遊原采蕭藿北踰

芒與河南臨伊與洛凝霜霑蔓草悲風振林薄撼撼芳葉  
零樂樂芬華落下泉激冽清曠野增遼索登高眺遐荒極  
望無崖嶒形變隨時化神感因物作澹乎至人心恬然存  
元漠

答魏子悌

崇臺非一幹珍裘非一腋多士成大業羣賢濟宏績遇蒙  
時來會聊齊朝彥跡顧此腹背羽愧彼排虛翮寄身蔭四  
岳託好憑三益傾蓋雖終朝大分邁疇昔在危每同險處  
安不異易俱涉晉昌艱更共飛狐厄恩由契闊生義隨周  
旋積豈謂鄉曲譽謬充本州役乖離令我感悲欣使情惕  
看詩隨錄

卷六

六

理以精神通匪曰形骸隔妙詩申篤好清義賁幽噴恨無  
隋侯珠以酬荆文璧

遊俠篇

張華

翩翩四公子濁世稱賢名龍虎相交爭七國並抗衡食客

詩品茂先詩其體華豔興託不奇

三千餘門下多豪英遊說朝夕至辯士日縱橫孟嘗東出  
關濟身由鷄鳴信陵西反魏秦人不窺兵趙勝南詛楚乃  
與毛遂行黃歇北適趙太子遂入荆美哉遊俠士何以尚  
四卿我則異於是好古師老彭

情詩

清風動帷簾晨月照幽房佳人處遐遠蘭室無容光襟懷

沈云穠麗之作油然入人茂先詩之上者與萬生蒙楚

詩同意

擁虛景輕衾覆空牀居歡惜夜促在戚怨宵長拊枕獨嘯  
歎感慨心內傷  
遊目四野外逍遙獨延伫蘭蕙緣清渠繁華蔭綠渚佳人  
不在茲取此欲誰與巢居知風寒穴處識陰雨不曾遠別  
離安知慕傳侶

雜詩

暑度隨天運四時互相承東壁正昏中涸陰寒節升繁霜  
降當夕悲風中夜興朱火青無光蘭膏坐自疑重衾無煖  
氣挾續如懷冰伏枕終遙夕寤言莫子應永思慮崇昔慨  
然獨撫膺

看詩隨錄

卷六

七

答何劭

吏道何其迫窘然坐自拘纓綬為徽纆文憲焉可踰恬曠  
苦不足煩促每有餘良朋貽新詩示我以遊娛穆如洒清  
風奐若春華敷自昔同僚榮於今比園廬衰疾近尋殆庶  
幾並懸輿散髮重陰下抱杖臨清渠屬耳聽鶯鳴流目翫  
儵魚從容養餘日取樂於桑榆

洪鈞陶萬類大塊稟羣生明闇信異姿靜躁亦殊形自子  
及有識志不在功名虛恬竊所好文學少所輕忝荷既過  
任白日已西傾道長苦志短責重困才輕周任有遺規其  
言明且清負乘為我戒夕惕坐自驚是用感嘉貺寫心出

中誠發篇雖溫麗無乃違其情

雜詩

張協

秋夜涼風起清氣蕩暗濁蜻蛚吟階下飛蛾拂明燭君子

從遠役佳人守螢獨離居幾何時鑽燧忽改木房櫳無行

跡庭草萋以綠青苔依空牆蜘蛛網四屋感物多所懷沉

憂結心曲

大火流坤維白日馳西陸浮陽映翠林迴颿扇綠竹飛雨

灑朝蘭輕露棲叢菊龍蟄隨氣凝天高萬物肅弱條不重

結芳蕤豈再馥人生瀛海內忽如鳥過目川上之歎逝前

脩以自勸

看詩隨錄

卷六

八

金風扇素節丹霞啟陰期騰雲似涌煙密雨如散絲寒花

發黃采秋草含綠滋閒居玩萬物離羣戀所思案無蕭氏

牘庭無貢公綦高尚遺王侯道積自成基至人不嬰物餘

風足染時

朝霞迎白日丹氣臨湯谷翳翳結繁雲森森散雨足輕風

摧勁草凝霜竦高木密葉日夜疎叢林森如束疇昔歎時

遲晚節悲年促歲暮懷百憂將從季主卜

昔我資章甫聊以適諸越行行入幽荒歐駱從髮祝窮年

非所用此貨將安設瓴甌夸瓊璠魚目笑明月不見郢中

歌能否居然別陽春無和者巴人皆下節流俗多昏迷此

理誰能察

朝登魯陽關狹路峭且深流澗萬餘丈圍木數千尋咆虎  
響窮山鳴鶴聒空林淒風爲我嘯百籟坐自吟感物多思  
情在險易常心竭來戒不虞挺轡越飛岑王陽驅九折周  
文走岑崆經阻貴勿遲此理著來今

此鄉非吾地此郭非吾城羈旅無定心翩翩如懸旌出覩  
軍馬陣入聞鞀鼓聲常懼羽檄飛神武一朝征長鉞鳴鞞  
中烽火列邊亭捨我衡門依更被縵胡纓疇昔懷微志帷  
幕竊所經何必操干戈堂上有奇兵折衝樽俎間制勝在  
兩楹巧遲不足稱拙速乃垂名

看詩隨錄

卷六

九

述職投邊城羈束戎旅間下車如昨日望舒四五圓借問  
此何時胡蝶飛南園流波戀舊浦行雲思故山閩越衣文  
蛇胡馬願度燕土風安所習由來有固然

結宇窮岡曲耦耕幽藪陰荒庭寂以閒幽岫峭且深淒風  
起東谷有滄興南岑雖無箕畢期膚寸自成霖澤雉登壘  
雝寒猿擁條吟磎壑無人跡荒楚鬱蕭森投耒循岸垂時  
聞樵采音重基可擬志迴淵可比心養眞尙無爲道勝貴  
陸沈游思竹素園寄辭翰墨林

黑蜃躍重淵商羊儻野庭飛廉應南箕豐隆迎號屏雲根  
臨八極雨足灑四溟霖漑過二旬散漫亞九齡階下伏泉

涌堂上水衣生洪潦浩方割人懷昏墊情沈液漱陳根綠  
葉腐秋莖里無曲突煙路無行輪聲環堵自頽毀垣間不  
隱形尺燼重尋桂紅粒貴瑤瓊君子守固窮在約不爽貞  
雖榮田方贈慙爲溝壑名取志於陵子比足黔婁生

詠史

昔在西京時朝野多歡娛藹藹東都門羣公祖三疏朱軒  
曜金城供帳臨長衢達人知止足遺榮忽如無抽簪解朝  
衣散髮歸海隅行人爲隕涕賢哉此大夫揮金樂當年歲  
暮不留儲顧謂四座賓多財爲累愚清風激萬代名與天  
壤俱咄此蟬冕客君紳宜見書

看詩隨錄

卷六

十

七哀詩

張載

北切何纍纍高陵有四五借問誰家墳皆云漢世主恭文  
遙相望原陵鬱膺膺季世喪亂起賊盜如豺虎毀壞過一  
坏便房啟幽戶珠柙離玉體珍寶見剽虜園寢化爲墟周  
塋無遺堵蒙龍荆棘生蹊徑登童豎狐兔窟其中蕪穢不  
復埽頽隴並墜發萌隸營農圃昔爲萬乘君今爲邱山土  
感彼雍門言悽愴哀今古

雜詩

張翰

暮春和氣應白日照園林青條若總翠黃花如散金嘉卉  
亮有觀顧此難久耽延頸無良途頓足託幽深榮與壯俱

去賤與老相尋歡樂不照顏慘愴發謳吟謳吟何嗟及古  
人可慰心

明月篇

傅元

皎皎明月光灼灼朝日輝昔爲春蠶絲今爲秋女衣丹脣

沈德潛云休矣詩聰穎處時帶累句大物長於樂府前短於古詩

列素齒翠彩發蛾眉嬌子多好言歡合易爲姿玉顏盛有  
時秀色隨年衰常恐新間舊變故興細微浮萍本無根非  
水將何依憂喜更相接樂極還自悲

雜詩

志士惜日短愁人知夜長攝衣步前庭仰觀南雁翔元景

沈清俊是選體收昭明獨收此篇

隨形運流響歸空房清風何飄颻微月出西方繁星依青

看詩隨錄

卷六

十一

天列宿自成行蟬鳴高樹間野鳥號東廂纖雲時髣髴渥  
露霑我裳良時無停景北斗忽低昂常恐寒節至凝氣結  
爲霜落葉隨風摧一絕如流光

河陽縣作

潘岳

微身輕蟬翼弱冠忝嘉招在疚妨賢路再升上宰朝猥荷  
公叔舉連陪廁王寮長嘯歸東山擁耒耨時苗幽谷茂纖  
葛峻巖敷榮條落英隕林趾飛莖秀陵喬早高亦何常升  
降在一朝徒恨良時泰小人道遂消譬如野田蓬幹流墮  
風飄昔倦都邑好今掌河朔徭登城眷南顧凱風揚微綃  
洪流何浩蕩修芒鬱岩嶮誰謂晉京遠室邇身實遠誰謂

邑宰輕令名患不翹人生天地間百歲孰能要頰如稿石  
火譬若截道鷗齊都無遺聲桐鄉有餘謠福謙在純約害  
盈由矜驕雖無君人德視民庶不恍

日夕陰雲起登城望洪河川氣冒山嶺驚湍激巖阿歸雁  
映蘭時游魚動圓波鳴蟬厲寒音時菊耀秋華引領望京  
室南路在伐柯大厦緬無覲崇芒鬱嗟峨總總都邑人擾  
擾俗化訛依水類浮萍寄松似懸蘿朱博糾舒慢楚風被  
琅邪曲謹何以直託身依叢麻黔黎竟何常政成在民和  
位同單父邑愧無子賤歌豈敢陋微官但恐忝所荷

在懷縣作

看詩隨錄

卷六

三

南陸迎修景朱明送末垂初伏啟新節隆暑方赫羲朝想  
慶雲興夕遲白日移揮汗辭中牟登城臨清池涼飈自遠  
集輕襟隨風吹靈圃耀華果通衢列高椅瓜瓞蔓長苞董  
芋紛廣畦稻栽肅芊芊黍苗何離離虛薄乏時用位微名  
日卑驅役宰兩邑政績竟無施自我違京輦四載迄于斯  
器非廊廟姿屢出固其宜徒懷越鳥志眷戀想南枝  
春秋代遷逝四運紛可喜寵辱易不驚戀本難爲思我來  
冰未泮時暑忽隆熾感此還期淹歎彼年往駛登城望郊  
甸遊目歷朝寺小國寡民務終日寂無事白水過庭激綠  
槐夾門植信美非吾土祇覺懷歸志眷然顧輦洛山川邈

金谷集詩

離異願言旋舊鄉畏此簡書忌祇奉社稷守恪居處職司  
王生和鼎實石子鎮海沂親友各言邁中心悵有違何以  
敘離思攜手遊郊畿朝發晉京陽夕次金谷湄迴溪縈曲  
阻峻坂路威夷綠池汎淡淡青柳何依依濫泉龍鱗活激  
波連珠揮前庭樹沙棠後園植烏棹靈圃繁若榴茂林列  
芳梨飲至臨華沼遷坐登隆坻元醴染朱顏但愬杯行遲  
揚桴撫靈鼓簫管清且悲春榮誰不慕歲寒良獨希投分  
寄石友白首同所歸

悼亡

看詩隨錄

卷六

三

荏苒冬

沈德潛云推雖不奇其情自深也

春謝寒暑

忽流易之子歸窮泉重壤永幽隔私懷

誰克從淹留亦何益俯仰恭朝命迴心反初役望廬思其  
人入室想所歷帷屏無髮髯翰墨有餘迹流芳未及歇遺  
挂猶在壁悵恍如或存周遑忡驚惕如彼翰林鳥雙棲一  
朝隻如彼遊川魚比目中路析春風緣隙來晨霽承檐滴  
寢息何時忘沈憂日盈積庶幾有時衰莊缶猶可擊  
皎皎窗中月照我室南端清商應秋至溽暑隨節闌凜凜  
涼風升始覺夏衾單豈曰無重續誰與同歲寒歲寒無與  
同朗月何朧朧展轉盼枕席長簟竟牀空牀空委清塵空  
虛來悲風獨無李氏靈髮髯覩爾容撫衿長歎息不覺涕

霑胸霑胸安能已悲懷從中起寢興日存形遺音猶在耳  
上慙東門吳下愧蒙莊子賦詩欲言志此志難具紀命也  
可奈何長戚令自鄙

矚靈運天機四節代遷逝淒淒朝露凝烈烈夕風厲奈何  
悼淑儷儀容永潛翳念此如昨日誰知已卒歲改服從朝  
政哀心守私制茵幃張故房朔望臨爾祭爾祭詎幾時朔  
望忽復盡衾裳一毀撤千載不復引靈壺期月周戚戚彌  
相慙悲懷感物來泣涕應情墮鴛言陟東阜望墳思紆軫  
徘徊墟墓間欲去復不忍徘徊不忍去徙倚步踟躕落葉  
委埏側枯荻帶墳隅孤魂獨煢煢安知靈與無投心遵朝  
看詩隨錄

卷六

十四

命揮涕強就車誰謂帝宮遠路極悲有餘

君子行

陸機

天道夷且簡人道嶮而難休咎相乘躡翻覆若波瀾去疾

詩品曰陸機詩其斷出於陳思才高辭瞻舉體華美

若不遠疑似實生患近火固宜熱履冰豈惡寒掇蜂滅天  
道拾塵或孔顏逐臣尙何有棄友焉足歎福鍾恆有兆禍  
集非無端天損未易辭人益猶可懼朗鑒豈遠假取之在  
傾冠近情苦自信君子防未然

飲馬長城窟行

驅馬陟陰山山高馬不前往問陰山候勁虜在燕然戎車  
無停軌旌旆屢徂遷仰憑積雪巖俯涉堅冰川冬來秋未

反去家邈以縣獫狁亮未夷征人豈徒旋末德爭先鳴凶  
器無兩全師克薄賞行軍沒微軀捐將遵甘陳迹收功單  
于旃振旅勞歸士受爵橐街傳

苦寒行

北遊幽朔城涼野多嶮難俯入穹谷底仰陟高山盤凝水

結重澗積雪被長巒陰雲與巖側悲風鳴樹端不覩白日  
景但聞寒鳥喧猛虎憑林嘯元猿鳴岸歎夕宿喬木下慘  
槍恆鮮歡渴飲堅冰漿飢待零露餐離思固已久寤寐莫  
與言劇哉行役人慊慊恆苦寒

從軍行

看詩隨錄

卷六

五

苦哉遠征人飄飄窮四遐南陟五嶺巔北戍長城阿深谷  
邈無底崇山鬱嗟峨奮臂攀喬木振迹涉流沙隆暑固已  
慘涼風嚴且苛夏條焦鮮藻寒冰結衝波胡馬如雲屯越  
旗亦星羅飛鋒無絕影鳴鏑自相和朝食不免胄夕息常  
負戈苦哉遠征人撫心悲如何

車馬客行

門有車馬客駕言發故鄉念君久不歸濡迹涉江湘投袂

赴門塗攬衣不及裳撫膺攜客泣掩淚敘溫涼借問邦族  
問惻愴論存亡親友多零落舊齒皆彫喪市朝互遷易城  
闕或邱荒墳壟日月多松柏鬱芒芒天道信崇替人生安

得長慷慨惟平生俛仰獨悲傷

山塘上行

沈德潛云亦是平讀而意者自婉

江蘿生幽渚微芳不足宣被蒙風雲會移居華池邊發藻  
玉臺下垂影滄浪泉沾潤既已渥結根奧且堅四節逝不  
處華繁難久鮮淑氣與時殞餘芳隨風捐天道有遷易人  
理無常全男懼智傾愚女愛衰避妍不惜微軀退但懼蒼  
蠅前願君廣末光照妾薄暮年

猛虎行

渴不飲盜泉水熱不息惡木陰惡木豈無枝志士多苦心  
整駕肅時命杖策將遠尋飢食猛虎窟寒棲野雀林日歸  
看詩隨錄

卷六

六

擬迢迢牽牛星

文選

昭昭清漢暉粲粲光天步牽牛西北迴織女東南顧華容  
一何冶揮手如振素怨彼河無梁悲此年歲暮跂彼無良  
緣皖焉不得度引領望大川雙涕如雨露且望四顧豈不  
擬涉江采芙蓉

擬涉江采芙蓉

孫月輝曰古淡有味渾然無摹擬迹

上山採瓊藥窮谷饒芳蘭采采不盈掬悠悠懷所歡故鄉  
一何曠山川阻且難沈思鍾萬里躑躅獨吟歎

擬明月何皎皎

安寢北堂上明月入我牖照之有餘暉攬之不盈手涼風繞曲房寒蟬鳴高柳踟躕臧節物我行永久遊宦會無成雜思難常守

擬蘭若生朝陽

孫曰以凝霜應朝陽合味白長嘉樹生朝陽凝霜封其條執心守時信歲寒終不彫美人何其曠灼灼在雲霄隆想彌年月長嘯入飛颺引領望天末譬彼向陽翹

擬明月皎夜光

歲暮涼風發昊天肅明明招搖西北指天漢東南傾朗月看詩隨錄

卷六

七

照閒房蟋蟀吟戶庭翻翻歸雁集嘒嘒寒蟬鳴昔同寢友翰飛戾高冥服美改聲聽居愉遺舊情織女無機杼大梁不架楹

招隱詩

孫曰士衡諸詩此最清激明發心不夷振衣聊躑躅躑躅欲安之幽人在浚谷朝採

南澗藻夕息西山足輕條象雲構密葉成翠幄激楚伴蘭

林回芳薄秀水山溜何泠泠飛泉漱鳴玉哀音附靈波頽

響赴層曲至樂非有假安事澆淳樸富貴久難圖稅駕從

所欲

挽歌

孫曰叙事有次辨紆核有法  
卜擇考休貞嘉命咸在茲夙駕驚徒御結轡頓重基龍慌

被廣柳前驅矯輕旗殯宮何嘈嘈哀響沸中闈中闈且勿

謹聽我薤露詩死生各異倫祖載當有時舍爵兩楹位啟

殯送靈輶飲餞觴莫舉出宿歸無期帷衽曠遺影棟宇與

子辭周親咸奔湊友朋自遠來翼翼飛輕軒駸駸策素騏

按轡遵長薄送子長夜臺呼子子不聞泣子子不知歎息

重櫬側念我疇昔時三秋猶足收萬世安可思殉歿身易

亡殺子非所能含言言哽咽揮涕涕流離

種葵北園中孫曰借葵喻意有態有致葵生鬱萋萋朝榮東北傾夕穎西南晞零露

看詩隨錄 卷六 文

垂鮮澤朗月耀其輝時逝柔風戢歲暮商飈飛層雲無温

液嚴霜有凝威孫曰高壙一語真奇絕是鑿空撰出一篇幸蒙高墉德元景蔭素糈豐條並春盛落

葉後秋衰慶彼晚彫福忘此孤生悲

赴洛道中作沈德潛云二章稍見淒切即曰二詩見行役之思不

總轡登長路嗚咽辭密親借問子何之世網嬰我身永歎

遵北渚遺思結南津行行遂已遠野途曠無人山澤紛紜

餘林薄杳阡眠虎嘯深谷底鷄鳴高樹巔哀風中夜流孤

獸更我前悲情觸物感沈思鬱纏絲伫立望故鄉顧影悽

自憐 遠遊越山川山川修且廣振策陟崇邱安轡道平莽夕息

抱影寐朝徂銜思往頓轡倚高巖側聽悲風響清露墜素輝明月一何朗撫枕不能寐振衣獨長想

贈馮文舉

何日意致疏散卻多情思猶有建安風骨

昔與二三子遊息承華南附翼同枝條翻飛各異尋苟無凌風翩徘徊守故林慷慨誰為感願言懷所欽發軔清洛汭驅馬大河陰佇立望朔塗悠悠迴且深分索古所悲志士多苦心悲情臨川結苦言隨風吟愧無雜佩贈良訊代兼金夫子茂遠猷欵誠寄惠音

贈從兄車騎

孤獸思故藪離鳥悲舊林翩翩遊宦子辛苦誰為心髣髴看詩隨錄

卷六

五

谷水陽婉變崑山陰營魄愧茲土精爽若飛沈寤寐靡安豫願言思所欽感彼歸塗艱使我怨慕深安得忘歸草言樹背與衿斯言豈虛作思鳥有悲音

為顧彥先贈婦

沈德潛云上章贈婦下章婦答古有此體辭家遠行遊悠悠三千里京洛多風塵素衣化為緇修身

悼憂苦感念同懷子隆思亂心曲沈歡滯不起歡沈難尅

興心亂誰為理願假歸鴻翼翻飛浙江汜

邵日用意甚高不作兒女態得性情之正勝士龍作土東南有思婦長歎充幽闥借問歎何為佳人眇天末遊宦

龍衛以詞勝久不歸山川修且闊形影參商平音息曠不達離合非有

常譬彼弦與括願保金石軀慰妾長飢渴

爲顧彥先贈婦往返四首

陸雲

我在三川陽子居五湖陰山海一何曠譬彼飛與沈目想  
清慧姿耳存淑媚音獨寐多遠念寤言撫空衿彼美同懷  
子非爾誰爲心

翩翩飛蓬征郁郁寒水縈遊止固殊性浮沈豈一情隆愛  
結在昔信誓貫三靈秉心金石固豈從時俗傾美目逝不  
顧纖腰徒盈盈何用結中款仰指北辰星

悠悠君行邁煢煢妾獨止山河安可踰永路隔萬里京洛  
多妖冶粲粲都人子雅步擢纖腰巧笑發皓齒佳麗良可  
美哀賤焉足紀遠蒙眷顧言銜恩非望始

看詩隨錄

卷六

二

浮海難爲水遊林難爲觀容色貴及時朝華忌日晏皎皎  
彼妹子灼灼懷春粲西城善雅儷總章饒清彈鳴簧發丹  
脣朱絃繞素腕輕裾猶電揮雙袂如霧散華容溢藻幄哀  
響入雲漢知音世所希非君誰能讚棄置北辰星問此元  
龍煥時暮復何言華落理必賤

答兄

方曰苦心縷刻無復建安醇厚殆亦風會使然  
悠悠途可極別促怨會長銜恩戀行邁興言在臨觴南津

有絕濟北渚無河梁神往同感逝形留悲參商軌若殊  
途牽牛非服箱

贈山濤

司馬彪

孫曰代桐為詞正與憲德建朝雁篇同彼以謂勝此以  
若若椅桐樹寄生於南岳上凌青雲霓下臨千仞谷處身  
孤且危於何託余足昔也植朝陽傾枝俟鸞鷲今者絕世

用倥偬見迫東班匠不我顧牙曠不我錄焉得成琴瑟何

由揚妙曲冉冉三光馳逝者一何速中夜不能寐撫劍起

躑躅感彼孔聖歎哀此年命促卞和潛幽冥誰能證奇璞

冀願神龍來揚光以見燭

遊仙何曰遊仙正體宏農其變何人功

青何曰遊仙正體宏農其變松亭亭高山柏光色夏冬茂根柢無彫落吉士

懷貞心悟物思遠託揚志元雲際流目矚巖石羨昔王子

喬友道發伊洛迢遞陵峻岳連翩御飛鶴抗迹遺萬里豈

看詩隴錄 卷六 王

戀生民樂長懷慕仙類眇然心絲邈

朔風動秋草邊馬有歸心胡甯久分析靡靡忽至今王事

雜我志殊隔過商參昔往鶴鷓鳴今來蟋蟀吟人情還舊

鄉客鳥思故林師涓久不奏誰能宣我心

征西官屬送於陟陽侯作詩 孫 楚

晨風飄歧路零雨被秋草傾城遠追送餞我千里道三命

皆有極咄嗟安可保莫大於殤子彭聃猶為天吉凶如糾

纏憂喜相紛繞天地為我鑪萬物一何小達人垂大觀誠

此苦不早乖離卽長衢惘悵盈懷抱孰能察其心鑒之以

蒼昊齊契在今朝守之與偕老

非感舊詩

孫曰雖太直致然說得透卻是快語

曹 據

富貴他人合貧賤親戚離廉藺門易軌田竇相奪移晨風  
集茂林棲鳥去枯枝今我唯困蒙羣士所背馳鄉人敦懿  
義濟濟蔭光儀對寶頌有容舉觴詠露斯臨樂何所歎素  
絲與路歧

詠史三首

袁 宏

周昌梗概臣辭達不為訥汲黯社稷器棟梁天表骨陸賈  
厭解紛時與酒禱杌婉轉將相門一言和平勃趨舍各有  
之俱令道不沒

看詩隨錄

卷六

三

無名困蝮蟻有名世所疑中庸難為體狂狷不及時楊惲  
非忌貴知及有餘辭躬耕南山下蕪穢不遑治趙瑟奏哀  
音秦聲歌新詩吐音非凡唱負此欲何之

蘭亭集詩

王羲之

仰視碧天際俯瞰淶水濱寥閭無涯觀寓目理自陳大矣  
造化工萬殊莫不均羣籟雖參差適我無非親

東晉登山

謝道蘊

峩峩東嶽高秀極冲青天巖中間虛宇寂寞幽以元非工  
復非匠雲構發自然氣象爾何物遂令我屢遷逝將宅斯  
宇可以盡天年

答傅咸

孫曰意誌絕妙

郭泰機

皛皛白素絲織為寒女衣寒女雖妙巧不得秉杼機天寒  
知運速况復雁南飛良工秉刀尺棄我忽如遣人不取諸  
身世事焉所希况復已朝餐曷由知我饑

廬山采藥觸興為詩

乘君題不費費帛道猷

連峯數千里修林帶平津雲過遠山翳風至梗荒榛茅茨  
隱不見雞鳴知有人閒步踐其徑處處見遺薪始知百代  
下政有上皇民

廬山東林雜詩

惠遠

崇巖吐清氣幽岫棲神迹希聲奏羣籟響出山溜滴有客  
看詩隨錄

卷六

三

獨冥游徑然忘所適揮手撫雲門靈關安足闢流心叩元  
扃感至理弗隔孰是騰九霄不奮冲天翻妙同趣自均一  
悟超三益

不遊石門詩

廬山諸道人

超興非有本理感興自生忽聞石門遊奇唱發幽情褰裳  
思雲駕望崖想層城馳步乘長巖不覺矯首登雲  
闕眇若凌太清端居運虛輪轉彼去中經神仙同物化未  
若兩俱冥

西洲曲 古辭

無名氏

憶梅下西洲折梅寄江北單衫杏子紅雙鬢鴉雛色西洲  
沈德潛云續續相生連斷接尋搖曳無窮情味愈出似

絕句數首撰錄而成樂府又生一體初唐張若虛劉希夷

在何處兩槩橋頭渡日暮伯勞飛風吹烏臼樹樹下卽門

前門中露翠鈿開門郎不至出門採紅蓮採蓮南塘秋蓮

花過人頭低頭弄蓮子蓮子青如水置蓮懷裏中蓮心徹

底紅憶郎郎不至仰首望飛鴻飛滿西洲望郎上青樓

樓高不可見盡日欄杆頭欄杆十二曲垂手明如玉卷簾

天自高海水搖空綠海水夢悠悠君愁我亦愁南風知我

意吹夢到西洲

桃葉歌

桃葉復桃葉渡江不用楫但渡無所苦我自來迎接

看詩隨錄

卷六

子夜歌四十二首選八

無名氏

芳是香所爲冶容不敢當天不奪人願故使儂見郎

前絲斷纏綿意欲結交情春蠶易感化絲子已復生

學枕北窗卧郎來就儂嬉小喜多唐突相憐能幾時

誰能思不歌誰能饑不食日冥當戶倚惆悵底不憶

學裾未結帶約眉出前窗羅裳易飄颺小開罵春風

歡從何處來端然有憂色三喚不一應有何比松柏

憐歡好情懷移居作鄉里桐樹生門前出入見梧子

恃愛如欲進含羞未肯前朱口發艷歌玉指弄嬌絃

子夜四時歌

七十五首選四

春林花多媚春鳥意多哀春風復多情吹我羅裳開  
反覆華簾上屏帳了不施郎君未可前待我整容儀  
初寒八九月獨纏自絡絲寒衣尙未了耶喚儂底爲  
冬林葉落盡逢春已復曜葵藿生谷底傾心不蒙照

前溪歌

憂思出門倚逢郎前溪渡莫作流水心引新都含故  
黃葛結蒙龍生在洛溪邊花落逐水去何當順流還還亦  
不復鮮

讀曲歌

看詩隨錄

卷六

三

音信濶弦胡方悟千里遙朝霜語白日知我爲歡消  
打殺長鳴鷄彈去烏白鳥願得不復曙一年都一曉

莫愁樂

聞歌下揚州相送楚山頭探手抱腰看江水斷不流  
揚判兒

暫出白門前楊柳可藏烏歡作沈水香儂作博山鑪

看詩隨錄五言卷六終

門下晚生

李芳園  
魏連芳校字

看詩隨錄謝顏五古卷七上

甯河高 靜慎莽選

勇崇思校刊

從遊京口北固應詔

謝靈運

玉璽誠誠信黃屋示崇高事為名教用道以神理超昔聞  
沈德潛云理語入詩而不覺其  
窮全在骨高謝金鑿云謝康樂及庚子山詩二家亦詩  
運升降所關宜看

景列筵矚歸潮遠巖映蘭薄白日麗江皋原隰萋綠柳墟  
圓散紅桃皇心美陽澤萬象咸光昭顧已枉維繫撫志慙  
場苗工拙各所宜終以返林巢會是縈舊想覽物奏長謠

九日從宋公戲馬臺集送孔令文  
次云謝詩經營慘淡鈞深索賤而歸於自然山水間適  
李秋邊朔苦旅雁違霜雪淒淒陽卉腓皎皎寒潭潔良辰

看詩隨錄 卷七上  
時遇理趣少規先哲匠心獨運建安諸公都非所屑况士  
感聖心雲旗興暮節鳴笳戾朱宮蘭卮獻時哲饑晏光有  
衡以下

孚和樂隆所缺在宥天下理吹萬羣方悅歸客遂海隅脫  
冠謝朝列弭棹薄枉渚指景待樂闋河流有急瀾浮驂無

緩轍豈伊川途念宿心愧將別彼美邱園道喟焉傷薄劣  
景區述祖德詩二首 知蘭新白曰題五古景謝黃秋賦

序曰太元中王父龕定淮南負荷世業專主隆人  
逮賢相祖謝君子道消拂衣蕃岳考卜東山事同

樂生之時志期范蠡之舉  
鍾嶸詩品靈運詩其源出于陳思雖有景陽之請頗以  
達人貴自我高情屬天雲兼抱濟物性而不纓垢氛段生  
紫蕪為累然名章迥向處處問起運典新聲終釋奔會

蕃魏國展季救魯人弦高犒師仲連卻秦軍臨組乍不

纈對珪甯肯分惠物辭所賞勵志故絕人茗茗歷千載遙  
遙播清塵清塵竟誰嗣明哲垂經綸委講輟道論改服康  
世屯屯難既云康尊主隆斯民

中原昔喪亂喪亂豈解已崩騰永嘉末逼迫太元始河外  
無反正江介有賊垣萬邦咸震懾橫流賴君子拯溺由道  
情龕暴資神理秦趙欣來蘇燕魏遲文軌賢相謝世運遠  
圖因事止高揖七州外拂衣五湖裏隨山疏濬潭傍巖藝  
粉梓遺情捨塵物貞觀邱壑美

鄰里相送至方山

祇役出皇邑相期憩甌越二語別緒低徊解纜及流潮懷舊不能發析析

看詩隨錄 卷七上

二

就衰林皎皎明秋月二語簡境自得含情易爲盈遇物難可歇積疴謝生  
慮寡慾罕所闕資此永幽棲豈伊年歲別各勉日新志音  
塵慰寂寞

過始甯墅

束髮懷耿介逐物遂推遷違志似如昨二紀及茲年緇磷  
謝清曠疲薊慙貞堅拙疾相倚薄還得靜者便剖竹守滄  
海枉帆過舊山山行窮登頓水涉盡洄沿巖峭嶺稠疊洲  
縈渚連綿白雲抱幽石綠篠媚清漣葦宇臨迴江築觀基  
層巔揮手告鄉曲二載期歸旋且爲樹粉楨無令孤願言

富春渚

宵濟漁浦潭旦及富春郭定山緬雲霧赤亭無淹薄邇流  
觸驚急臨圻阻參錯亮乏伯昏分險過呂梁壑洊至宜便  
習兼山貴止託平生協幽期淪躓困微弱久露千祿請始  
果遠遊諾宿心漸申寫萬事俱零落懷抱旣昭曠外物徒  
龍螭

七里瀨

羈心積秋晨晨積展遊眺孤客傷逝湍徒旅苦奔峭石淺  
水潺湲日落山照曜荒林紛沃若哀禽相叫嘯遭物悼遷  
斥存期得要妙旣乘上皇心豈屑末代諠目覩巖子瀨想  
屬任公釣誰謂今古殊異代可同調

看詩隨錄

卷七上

三

登池上樓

潛虬媚幽姿飛鴻響遠音薄霄愧雲浮樓川作淵沉進德  
智所拙退耕力不任徇祿返窮海卧疴對空林衾枕昧節  
候褻開暫窺臨傾耳聆波瀾舉目眺嶇嶽初景革緒風新  
陽改故陰池塘生春草園柳變鳴禽祁祁傷幽歌萋萋感  
楚吟索居易永久離羣難處心持操豈獨古無悶徵在今

遊南亭

沈注起先用寫景第六句點出眺郊歧此例插法也少  
陵往往用之  
時竟夕澄霽雲路日西馳密林含餘清遠峯隱半規久痾  
昏墜苦旅館眺郊歧澤蘭漸被徑芙蓉始發池未厭青春  
好已覩朱明移戚戚感物歎星星白髮垂藥餌情所止衰

疾忽在斯逝將候秋水息景偃舊崖我志誰與亮賞心惟  
頁知

遊赤石進泛海

款胸孫器之曰謝康樂如東海湯帆風日流麗

首夏猶清和芳草亦未歇水宿淹晨暮陰霞屢興沒周覽  
倦瀛壖况乃淩窮髮川后時安流天吳靜不發揚帆采石  
華挂席拾海月溟漲無端倪虛舟有超越仲連輕齊組子  
牟眷魏闕矜名道不足適已物可忽請附任公言終然謝  
天伐

登江中孤嶼

江南倦歷覽江北曠周旋懷新道轉迴尋異景不延亂流

一字字助人阻朱

沈云

看詩隨錄

卷七上

四

趨正絕孤嶼媚中川雲日相輝映空水共澄鮮表靈物莫

余嘗遊金焦

此二句愈覺其妙

其妙

賞蘊真誰爲傳想像崑山姿緬邈區中緣始信安期術得  
盡養生年

登永嘉綠嶂山詩

裹糧杖輕策懷遲上幽室行源徑轉遠距陸情未畢澹漱  
結寒姿團欒潤霜質潤委水屢迷林迴巖逾密眷西謂初  
月顧東疑落日踐夕奄昏曙蔽翳皆周悉盡上貴不事履  
二美貞吉幽人常坦步高尙逸難匹頤阿竟何端寂寂寄  
抱一恬如既已交繕性自此出

昔余遊京華未嘗廢邱壑矧乃歸山川心跡雙寂寞虛館  
絕諍訟空庭來鳥雀卧疾豐暇豫翰墨時間作懷抱觀古  
今寢食展戲謔旣笑沮溺苦又哂子雲閣執戟亦以疲耕  
稼豈云樂萬事難並歡達生幸可託

田南樹園激流植援

樵隱俱在山由來事不同不同非一事養疴亦園中中園  
屏氛雜清曠招遠風卜室倚北阜啟扉面南江激澗代汲  
井插槿當列壙羣木旣羅戶衆山亦當窗靡迤趨下田迢  
遞瞰高峯寡慾不期勞卽事罕人功唯開蔣生徑永懷求  
羊蹤賞心不可忘妙善冀能同

看詩隨錄

卷七上

五

石壁精舍還湖中作

昏旦變氣候山水含清暉清暉能娛人遊子憺忘歸出谷  
日尙早入舟陽已微林壑斂暝色雲霞收夕霏芰荷迭映  
蔚蒲稗相因依披拂趨南徑愉悅偃東扉慮澹物自輕意  
愜理無違寄言攝生客試用此道推

登石門最高頂

晨策尋絕壁夕息在山棲疏峯抗高館對嶺臨迴溪長林  
羅戶穴積石擁階基連巖覺路塞密竹使徑迷來人忘新  
術去子惑故蹊活活夕流駛噉噉夜猿啼沈冥豈別理守  
道自不攜心契九秋幹目翫三春蕘居常以待終處順故

安排惜無同懷客共登青雲梯

石門新營所住四面高山迴溪石瀨茂林脩竹

躋險築幽居披雲卧石門苔滑誰能步葛弱豈可捫嫋嫋  
秋風過萋萋春草繁美人遊不還佳期何由敦芳塵疑瑤  
席清醕滿金尊洞庭空波瀾桂枝徒攀翻結念屬霄漢孤  
景莫與讓俯濯石下潭仰看條上猿蚤聞夕颯急晚見朝  
日曠崖傾光難留林深響易奔感往慮有復理來情無存  
庶持乘日車得以慰營魂匪爲衆人說冀與智者論

於南山往北山經湖中瞻眺

朝且發陽崖景落憩陰峯舍舟眺迴渚停策倚茂松側徑

看詩隨錄

卷七上

六

既窈窕環洲亦玲瓏俯視喬木杪仰聆大壑淥石橫水分

流林密蹊絕蹤

詩中用經無如謝公者

解作竟何感升長皆丰容初篁苞綠籜新

蒲含紫茸海鷗戲春岸天雞弄和風撫化心無厭覽物眷  
彌重不惜去人遠但恨莫與同孤遊非情歎賞廢理誰通

晚出西射堂

步出西城門遙望城西岑連障疊巘崿青翠杳深沈曉霜  
楓葉丹夕曛嵐氣陰節往感有復感來念已深羈雌戀舊  
侶迷鳥懷故林含情尙勞愛如何離賞心撫鏡華緇鬢攬  
帶緩促衿安排徒空言幽獨賴鳴琴

從斤竹澗越嶺溪行

猿鳴誠知曙谷幽光未顯巖下雲方合花上露猶泫透迤  
傍隈隩迢遞陟陁峴過澗旣厲急登棧亦陵緬川渚屢經  
復乘流翫迴轉蘋萍泛沈深菰蒲冒清淺企石挹飛泉攀  
林摘葉卷想見山阿人薜蘿若在眼握蘭勤徒結折麻心  
莫展情用賞爲美事味竟誰辨觀此遺物慮一悟得所遣

過白岸亭詩

拂衣遵沙垣緩步入蓬屋近澗涓密石遠山映疎木空翠

凡物

可以名則淺矣難強名神於寫空翠者  
難強名漁釣易爲曲援蘿聆青崖春心自相屬交交止栩

黃吻吻食萍鹿傷彼人百哀嘉爾承筐樂榮悴迭去來窮  
通成休憾未若常疎散萬事恆抱朴

看詩隨錄

卷七上

七

初去郡

彭薛裁知恥貢公未遺榮或可優貪競豈足稱達生伊余  
秉微尙拙訥謝浮名廬園當棲巖卑位代躬耕顧已雖自  
許心跡猶未并無庸方周任有疾象長卿畢娶類尙子薄  
遊似邴生恭承古人意促裝返柴荆牽絲及元興解龜在  
景平負心二十載於今廢將迎理棹過還期遵渚鶩脩坰  
溯溪終水涉登嶺始山行野曠沙岸淨天高秋月明憩石  
挹飛泉攀林攀落英戰勝耀者肥鑿止流歸停卽是義唐  
化獲我擊壤情

夜宿石門詩

朝舉苑中蘭畏彼霜下歇  
暝還雲際宿弄此石上月鳥鳴  
識夜棲木落知風發異音同  
至聽殊響俱清越妙物莫爲  
賞芳醕誰與伐美人竟不來  
陽阿徒晞髮

南樓中望所遲客

杳杳日西頽漫漫長路迫  
登樓爲誰思臨江遲來客  
與我別所期期在三五夕  
圓景早已滿佳人殊未適  
卽事怨睽攜感物方悽感  
孟夏非長夜晦明如巖隔  
瑤華未堪折蘭若已屢摘  
路阻莫贈問云何慰離析  
搔首訪行人引領冀  
頁覲

廬陵王墓下作

看詩隨錄

卷七上

八

曉月發雲陽落日次朱方  
含悽泛廣川灑淚眺連岡  
眷言懷君子沈痛切中腸  
道消結憤懣運開申悲涼  
神期恆若存德音初不忘  
徂謝易永久松柏森已行  
延州協心許楚老惜蘭芳  
解劍竟何及撫墳徒自傷  
平生疑若人通蔽互愈玩趣味愈長  
相妨理感心情動定非識  
所將脆促良可哀天柱特  
兼常一隨往化滅安用空  
名揚舉聲泣已瀝長歎不  
成章

入彭蠡湖口

客遊倦水宿風潮難具論  
洲島驟迴台圻岸屢崩奔  
乘月聽哀猿滄露馥芳蓀  
春晚綠野秀巖高白雲屯  
千念集日夜萬感盈朝昏  
攀崖照石鏡牽葉入松門  
三江事多往九

派理空存靈物希珍怪異人祕精魂金膏滅明光水碧綴  
流温徒作千里曲絃絕念彌敦

入華子岡是麻源第三谷

南州實炎德桂樹凌寒山銅陵映碧澗石磴瀉紅泉旣枉  
隱淪客亦棲肥遯賢險徑無測度天路非術阡遂登羣峯  
首邈若升雲煙羽人絕髣髴丹邱徒空筌圖牒復磨滅碑  
版誰聞傳莫辨百代後安知千載前且申獨往意乘月弄  
潺湲恆充俄頃用豈爲古今然

道路憶山中

采菱調易急江南歌不緩楚人心昔絕越客腸今斷斷絕

發端起秀著出歸思絕有情致

孫曰調鼎響

看寺隨緣

卷七上

九

雖殊念俱爲歸慮款存鄉爾思積憶山我憤懣追尋棲息  
時偃卧任縱誕得性非外求自己爲誰纂不怨秋夕長常  
苦夏日短濯流激浮湍息陰倚密罕懷古叵新歡含悲忘  
春暖悽悽明月吹惻惻廣陵散殷勤訴危柱慷慨命促管  
酬從弟惠連

寢瘵謝人徒滅迹入雲峯巖壑寓耳目歡愛隔音容永絕  
賞心望長懷莫與同末路值令弟開顏披心胸  
心胸旣云披意得成在斯凌澗尋我室散帙問所知夕慮  
曉月流朝忌曛日馳晤對無厭歇聚散成分離

分離別西州迴景歸東山別時想已甚別後情更延傾想

遲嘉音果在濟江篇辛勤風波事歎曲洲渚言

洲渚旣淹時風波子行遲務協華京想詎存空谷期猶復  
惠來章祇足攬余思儻若果歸言共陶暮春時

暮春雖未交仲春善遊遨山桃發紅萼野蕨漸紫苞嚶鳴  
已悅豫幽居猶鬱陶夢寐仁歸舟釋我吝與勞

人壽登臨海嶠初發疆中作與從弟惠連可見羊何共和

餘文之

杪秋尋遠山山遠行不近與子別山阿含酸赴脩眇中流  
袂就判欲去情不忍顧望脰未帽汀曲舟已隱

隱汀絕望舟鶩棹逢驚流欲伴一生歡并奔千里遊日暮

看詩隨錄

卷七上

十

當棲薄繫纜臨江樓豈惟夕情斂憶爾共淹留

淹留昔時歡復增今日歎茲情已分慮況乃協悲端秋泉  
鳴北澗哀猿響南巒戚戚新別心悽悽久念攢

攢念攻別心旦發清溪陰暝投剡中宿明登天姥岑高高  
入雲霓還期那可尋儻遇浮邱公長絕子徽音

初往新安桐廬口

綸綌雖淒其授衣尙未至盛節哀已深懷古亦云思不有  
千里棹孰申百代意遠協尙子心遙得許生計旣及冷風  
善又卽秋水駛江山共開曠雲日相照媚景夕羣物清對  
玩咸可喜

啟暮

般憂不能寐苦此夜難頽  
鐘嶸云清晨登隴首羌無故實  
明月照積雪朔風勁且哀運往  
明月照積雪語出經  
無淹物年逝覺已催  
闕文

擬太子鄴中集詩

建安末余時在鄴宮朝遊夕讌究歡愉之極天下

中歡賞良辰美景賞心樂事四者難并今昆弟友朋二三

諸彥共盡之矣古來此娛書籍未見何者楚襄王

時有宋玉唐景梁孝玉時有鄒枚嚴馬遊者美矣

而其主不文漢武帝徐樂諸才備應對之能而雄

猜多忌豈獲晤言之適不誣方將庶必賢於今日

看詩隨錄

卷七上

十一

爾歲月如流零落將盡撰文懷人感往增愴其辭

曰

魏太子

百川赴巨海眾星環北辰  
嚴滄辰云謝康樂擬鄴中集詩亦不似魏  
照灼燭霄漢遙裔起長津  
天地

中橫潰家王拯生民區宇既滌蕩羣英必來臻  
忝此欽賢

任由來常懷仁況值眾君子傾心隆日新  
論物靡浮說析

理實敷陳羅縵豈關辭窈窕究天人澄觴滿金壘  
連榻設

華茵急絃動飛聽清歌拂梁塵何言相遇易此歡  
信可珍

王粲

幽厲昔崩亂桓靈今板蕩伊洛既燎涇函嶠沒無  
像整裝

辭秦川秣馬赴楚壤沮漳自可美客心非外獎常歎詩人  
言式微何由往上宰奉皇靈侯伯咸宗長雲騎亂漢南宛  
郢皆埽盪排霧屬盛明披雲對清朗慶泰欲重疊公子特  
先賞不謂息肩願一旦值明兩竝載遊鄴京方舟汎河廣  
綢繆清讌娛寂寥梁棟響旣作長夜飲豈顧乘日養

陳琳

皇漢逢屯邅天下遭氛慝董氏淪關西袁家擁河北單民  
易周章窘身就羈勒豈意事乖已永懷戀故國相公實勤  
王信能定螫賊復覩東都輝重見漢朝則餘生幸已多矧  
迺值明德愛客不告疲飲讌遺景刻夜聽極星闌朝遊窮  
看詩隨錄 卷七上 十一

曛黑哀哇動梁埃急觴盪幽默且盡一日娛莫知古來惑

徐幹

伊昔家臨淄提攜弄齊瑟置酒飲膠東淹留憩高密此歡  
謂可終外物始難必搖蕩箕濮情窮年迫憂慄末塗幸休  
明棲集建薄質已免負薪苦仍遊椒蘭室清論共究萬美  
話信非一行觴奏悲歌永夜繫白日華屋非蓬居時髦豈  
余匹中飲顧昔心悵焉若有失

劉楨

貧居晏里閨少小長東平河充當衝要淪飄薄許京廣川  
無逆流招納厠羣英北渡黎陽津南登紀郢城旣覽古今

事頗識治亂情歡友相解達敷奏究平生矧荷明哲顧知  
深覺命輕朝遊牛羊下暮坐括桀鳴終歲非一日傳卮弄  
新聲辰事旣難諧歡願如今并唯羨肅肅翰纘紛戾高冥

應場

噉噉雲中雁舉翮自委羽求涼弱水湄違寒長沙渚顧我  
梁川時緩步集穎許一旦逢世難淪薄恆羈旅天下昔未  
定託身早得所官度厠一卒烏林預艱阻晚節值衆賢會  
同庇天宇列坐廡華棖金盆盈清醕始奏延露曲繼以闌  
夕語調笑輒酬答嘲謔無慙沮傾軀無遺慮在心良已敘

阮瑀

看詩隨錄

卷七上

三

河洲多沙塵風悲黃雲起金羈相馳逐聯翩何窮已慶雲  
惠優渥微薄攀多士念昔渤海時南皮戲清泚今復河曲  
遊鳴笳汎蘭汜躡步陵丹梯竝坐侍君子妍談旣愉心哀  
弄信睦耳傾酷係芳醕酌言豈終日自從食萍來唯見今  
日美

平原侯值

朝遊登鳳閣日暮集華沼傾柯引弱枝攀條摘蕙草徙倚  
窮騁望目極盡所討西顧太行山北眺邯鄲道平衢修且  
直白楊信裊裊副君命飲宴歡娛寫懷抱良遊匪晝夜豈  
云晚與早衆賓悉清妙清辭灑蘭藻哀音下迴鶴餘哇徹

遊西池

謝混

清吳中山不知醉飲德方覺飽願以黃髮期養生念將老  
悟彼蟋蟀唱聽此勞者歌有來豈不疾良遊嘗蹉跎逍遙  
越城肆願言屢經過迴阡被陵闕高臺眺飛霞惠風蕩繁  
圃白雲屯層阿景昃鳴禽集水木湛清華褰裳順蘭沚徙  
倚引芳柯美人愆歲月遲暮獨如何無爲牽所思南榮戒  
其多

九日從宋公戲馬臺集送孔令詩

謝瞻

風至授寒服霜降休百工繁林散陽彩密苑解華叢巢幕  
無留燕遵渚有來鴻輕霞冠秋日迅商薄清穹聖心眷佳  
看詩墮錄

卷七上

古

節揚鑾戾行宮四筵霑芳醴中堂起絲桐扶光迫西汜歡  
餘宴有窮逝矣將歸客養素克有終臨流怨莫從歡心嘆  
飛蓬

王撫軍庾西陽集別時爲豫章太守庾被徵還都

祇召旋北京守官返南服方舟析舊知對筵曠明牧舉觴  
矜飲餞指途念出宿來晨無定端別晷有成速頽陽照通  
津夕陰陵平陸榜人理行艫輶軒命歸僕分手東城闔發  
棹西陵喚離會雖相襍逝川豈往復誰謂情可書盡言非  
尺牘

答靈運

夕霽風氣涼閒房有餘清開軒滅華燭月露皓已盈獨夜  
無物役履者亦云甯忽獲愁霖唱懷勞奏所誠歎彼行旅  
艱深茲眷言情伊余雖寡慰殷憂暫爲輕牽率酬嘉藻長  
揖愧吾生

西陵遇風獻康樂

謝惠連

我行指孟冬

沈云稱首非但清婉可誦

春仲尙未發趣途遠有期念離情無歇成裝

俟良辰漾舟陶嘉月瞻途意少悵還顧情多闕哲兄感此  
別相送越垌林飲餞野亭館分袂澄湖陰悽悽留子言眷  
眷浮客心迴塘隱臚棹遠望絕形音靡靡卽長路戚戚抱  
遙悲悲遙但自弭路長當語誰行行道轉遠去去情彌遲

看詩隨錄

卷七上

五

昨發浦陽汭今宿浙江湄屯雲蔽層嶺驚風湧飛流零雨  
澗墳澤落雪灑林邱浮氛晦崖巘積素成原疇曲汜薄停  
旅通川絕行舟臨津不得濟伫楫阻風波蕭條洲渚際氣  
色少諧和西瞻興遊歎東睇起悽歌積憤成疢痍無萱將  
如何

秋懷

平生無志意少小嬰憂患如何乘苦心矧復值秋晏皎皎  
天月明奕奕河宿爛蕭瑟含風蟬寥唳度雲雁寒商動清  
闐孤燈暖幽幔耿介繁慮積展轉長宵半夷險難預謀倚  
伏味前算雖好相如達不同長卿慢頗悅鄭生偃無取白

衣宦未知古人心且從性所翫賓至可命觴朋來當染翰  
高臺驟登踐清淺時歷亂顏魄不再圓傾義無兩且金石  
終銷毀丹青暫雕煥各勉元髮歡無貽白首歎因歌遂成  
賦聊用布親串

泛湖歸出樓中望月

日落泛澄瀛星羅游輕橈憩樹面曲汜臨流對迴潮輟策  
共駢筵並坐相招要哀鴻鳴沙渚悲猿響山椒亭亭映江  
月颺颺出谷飄斐斐氣冪岫泫泫露盈條近矚祛幽蘊遠  
視蕩喧囂晤言不知罷從夕至清朝

汎南湖至石帆

看詩隨錄

卷七上

六

軌息陸塗初柰鼓川路始漣漪繁波漾參差層峰峙蕭疎  
野趣生透迤白雲起登陟苦跋涉瞬盼樂心耳卽翫翫有  
竭在興興無已

擣衣

鐘云露暉才高辭聲高豔麗從固已合跨劉郭陵樂器  
衡紀無淹度晷運倏如催白露滋園菊秋風落庭槐肅肅

莎雞羽烈烈寒螿啼夕陰結空幕宵月臨中閨美人戒裳

服端飾相招攜簪玉出北房鳴金步南階欄高礎響發楹

長杵聲哀微芳起兩裊輕汗染雙題紈素旣已成君子行

未歸裁用笥中刀縫爲萬里衣盈篋自予手幽緘俟君開

腰帶準疇昔不知今是非

北宅祕園

謝莊

夕天霽晚氣輕霞澄暮陰微風清幽幌餘日照青林收光  
漸窗歇窮園自荒深綠池翻素景秋懷響寒音伊人儻同  
愛絃酒共樓尋

北使洛

顏延之

改服飭徒旅首路踟險艱振楫發吳洲秣馬凌楚山途出

沈云季雅之感行役之悲情旨揚越

梁宋郊道由周鄭間前登陽城路日夕望三川在昔輟期  
運經始闢聖賢伊澱絕津濟臺館無尺椽宮陛多巢穴城  
闕生雲煙王猷升八表嗟行方暮年陰風振涼野飛雲翥  
窮天臨塗未及引置酒慘無言隱閔徒御悲威遲良馬煩  
看詩隨錄

卷七上

七

遊役去芳時歸來屢徂魯蓬心旣已矣飛薄殊亦然

始安郡還都與張湘州登巴陵城樓作

江漢分楚望衡巫奠南服三湘淪洞庭七澤藹荆牧經塗  
延舊軌登闡訪川陸水國周地險河山信重複卻倚雲夢  
林前瞻荆臺囿清雱霽岳陽層暉薄瀾澳悽矣自遠風傷  
哉千里目萬古陳往還百代勞起伏存沒竟何人炯介在  
明淑請從上世人歸來藝桑竹

還至梁城作

眇然軌路長憔悴征戍勤昔邁先祖師今來後歸軍振策  
睠東路傾側不及羣息徒顧將夕極望梁陳分故國多喬

木空城疑寒雲印隴填郭郭銘誌滅無文木石屑幽闔黍  
苗延高墳惟彼雍門子吁嗟孟嘗君愚賤同堙滅尊貴誰  
獨聞曷爲人遊客憂念坐自殷

拜陵廟作

孫曰著意鍊鍊未渾化而典密有致

何曰讀老杜

周德恭明祀漢道尊光靈哀敬隆祖廟崇樹加園塋逮事

休命始投迹階王庭陪廁迴天顧朝譙流聖情早服身義

重晚達生戒輕否來王澤竭泰往人悔形救躬慙積素復

與昌運并思合非漸瀆榮會在逢迎夙御嚴清制朝駕守

禁城束紳入西寢伏軫出東坰衣冠終冥漠陵色轉蔥青

松風遵路急山煙冒壠生皇心憑容物民思被歌聲萬紀

看詩隨錄

卷七上

六

載絃吹千載託旒旌未殊帝世遠已同淪化萌幼壯困孤

介未暮謝幽貞發軌喪夷易歸軫慎崎傾

車駕幸京口侍遊蒜山作

孫曰起語有壯之甚

何曰從京口發瑞文帝此行下

元天高北列日觀臨東溟入河起陽峽踐華因削成巖險

去漢宇襟衛徙吳京流池自化造山關固神營園縣極方

望邑社總地靈宅道炳星緯誕曜應辰明睿思纏故里巡

駕帟舊坰陟峰騰輦路尋雲抗瑤瑩春江壯風濤蘭野茂

萑英宣遊宏下濟窮遠疑聖情嶽濱有和會祥習在卜征

周南悲昔老留滯感遺氓空食疲廊肆反稅事巖岬

車駕幸京口三月三日侍遊曲阿後湖作

虞風載帝狩夏諺頌王遊春方動辰駕望幸傾五州山祇  
蹕嶠路水若警滄流神御出瑤軫天儀降藻舟萬軸允行  
衛干翼汎飛浮彤雲麗璇蓋祥颿被綵旂江南進荆豔河  
激獻趙謳金練照海浦笳鼓震溟洲藐盼靚青崖衍漾觀  
綠疇人靈騫都野鱗翰聳淵印德禮既普洽川嶽遍懷柔  
應詔觀北湖田收

周御窮轍跡夏載歷山川蓄軫豈明懋善遊皆聖仙帝暉  
膺順動清蹕巡廣廡樓觀眺豐穎金駕映松山飛奔互流  
綴緹殼代迴環神行埒浮景爭光溢中天開冬眷徂物殘  
悴盈化先陽陸團精氣陰谷曳寒煙攢素旣森藹積翠亦  
看詩隨錄

卷七上

九

蔥阡息響報嘉歲通急戒無年温渥浹輿隸和惠屬後筵  
觀風久有作陳詩愧未妍疲弱謝凌遽取累非纏牽

直東宮答鄭尚書

皇居體寰極設險祇天工兩闔阻通軌對禁限清風跂予  
旅東館徒歌屬南墉寢興鬱無已起觀辰漢中流雲藹青  
闕皓月鑿丹宮踟躕清防密徒倚悼漏窮君子吐芳訊咸  
物惻余衷惜無邱園秀景行彼高松知言有誠貫美價難  
克充何以銘嘉貺言樹絲與桐

夏夜呈從兄散騎車長沙

炎天方埃鬱暑晏闕塵紛獨靜闕偶坐臨堂對星分側聽

風薄木遙睇月開雲夜蟬當夏急陰蟲先秋聞歲候初過  
半荃蕙豈久芬屏居惻物變慕類抱情殷九逝非空思七  
襄無成文

和謝監靈運一首

弱植慕端操窘步懼先迷寡立非擇方刻意籍窮棲伊昔  
邁多幸秉筆侍兩闈雖慙丹牖施未謂元素睽徒遭良時  
詖王道奄昏霾人神幽明絕朋好雲雨乖弔屈汀洲浦謁  
帝蒼山蹊倚巖聽緒風攀林結留萋跂子間衡嶠曷月瞻  
秦稽皇聖昭天德豐澤振沈泥惜無爵雉化何用充海淮  
去國還故里幽門樹蓬藜采芟葺昔宇剪棘開舊畦物謝  
看詩隨錄

卷七上

三

時旣晏年往志不偕親仁敷情昵興玩究辭悽芬馥歇蘭  
若清越奪琳珪盡言非報章聊用布所懷

贈王太常

方伯海曰六朝體質嚴厚頤光疎翮永亮極相近然其  
佳處乃在於透入中能生動  
玉水記方流璇源載圓折蓄寶每希聲雖秘猶彰徹聆龍  
睽九淵聞鳳窺丹穴歷聽豈多士歸然觀時哲舒文廣國

華敷言遠朝列德輝灼邦懋芳風被鄉壑側同幽人居郊  
扉常晝閑林閭時晏開亟迴長者轍庭昏見野陰山明望  
松雪靜惟淡羣化徂生入窮節豫往誠歡歇悲來非樂闕  
屬美謝繁翰遙懷具短札

五君詠

阮步兵

沈云集中五君詠秋胡行皆清真高逸者也  
阮公雖淪跡識密鑿亦洞沈醉似埋照寓辭類託諷長嘯  
若懷人越禮自驚衆物故不可論途窮能無慟

嵇中散

中散不偶世本自餐霞人形解驗默仙吐論知疑神立俗  
迂流議尋山洽隱淪鸞翮有時鍛龍性誰能馴

劉參軍

劉伶善閉關懷情滅聞見鼓鐘不足歡榮色豈能眩韜精  
日沈飲誰知非荒宴願酒雖短章深衷自此見

阮始平

看詩隨錄

卷七上

仲容青雲器實稟生民秀達音何用深識微在金奏郭奕  
已心醉山公非虛覲屢薦不入官一麾乃出守

向常侍

向秀甘淡薄深心託豪素探道好淵元觀書鄙章句交呂  
既鴻軒攀嵇亦鳳舉流連河裏遊惻愴山陽賦

秋胡詩九首

九首章法細密在延之爲上乘矣  
椅梧傾高鳳寒谷傳鳴律影響豈不懷自遠每相匹嬈彼

幽閒女作嬪君子室峻節貫秋霜明豔伴朝日嘉運既我

從欣願自此畢

燕居未及好良人願有違脫巾千里外結綬登王畿戎徒

在昧旦左右來相依驅車出郊郭行路正威遲存爲久離  
別沒爲長不歸

嗟余怨行役三陟窮晨暮嚴駕越風寒解鞍犯霜露原隰  
多悲風迴颿卷高樹離獸起荒蹊驚鳥縱橫出悲哉遊宦  
子勞此山川路

迢遙行人遠宛轉年運徂良時爲此別日月方向除孰知  
寒暑積暋俛見榮枯歲暮臨空房涼風起坐隅寢興日已  
寒白露生庭蕪

勤役從歸願反路遵山河昔辭秋未素今也歲載華蠶月  
歡時暇桑野多經過佳人從所務窈窕援高柯傾城誰不

看詩隨錄

卷七上

三

顧弭節停中阿

年往誠思勞路遠闊音形雖爲五載別相與昧平生捨車  
遵往路鳧藻馳目成南金豈不顧聊自意所輕義心多苦  
調密比金玉聲

高節久難淹竭來空復辭遲遲前途盡依依造門基上堂  
拜嘉慶入室問何之日暮行來歸物色桑榆時美人望昏  
至慙歎前相持

有懷誰能已聊用申苦言離居殊年載一別阻河關春來  
無時豫秋至恆又寒明發動愁心聞中起長歎慘懷歲方  
晏日落遊子顏

高張生絕弦聲急由調起自昔枉光塵結言固終始如何  
久爲別百行譽諸已君子失明義誰與偕沒齒愧彼行露  
詩甘之長川汜

看詩隨錄

卷七上

三



下晚生  
鄭士份  
王廷珠  
校字

看詩隨錄鮑以下五古卷七下

甯河高 靜慎莽選

男棠恩校刊

東門行

集中吟行題者冠以代字茲從鮑照

照

沈德潛曰明遠詩抗音吐懷每成充節其高處遠軼接  
傷禽惡弦驚倦客惡離聲離聲斷客情賓御皆涕零  
雲上迤異植又曰明遠樂府如五丁開山開人間未有之  
心斷絕將去復還款一息不相知何況異鄉別遙遙征駕  
竟李太白往在效之王士禎曰明遠篇體驚奇在延年  
遠杳杏落日晚居人掩閨臥行子夜中飯野風吹秋木行  
之上  
子心腸斷食梅常苦酸衣葛常苦寒絲竹徒滿坐憂人不  
解顏長歌欲自慰彌起長恨端

出自薊北門行

羽檄起邊亭烽火入咸陽徵騎屯廣武分兵救朔方嚴秋

看詩隨錄

卷七下

一

鍾嶸詩品馳詩善製刑狀寫物之詞得景陽之概詭含  
筋竿勁虜陣精且彊天子按劍怒使者遙相望雁行綠石  
徑魚貫度飛梁簫鼓流漢颺旌甲被胡霜疾風衝塞起沙  
礫自飄揚馬毛縮如蝟角弓不可張時危見臣節世亂識  
忠良捐軀報明主身死為國殤

東武吟

主人且勿誼賤子歌一言僕本寒鄉士出身蒙漢恩始隨  
張校尉召募到河源後逐李輕車追虜窮塞垣密途互萬  
里甯歲猶七奔肌力盡鞍甲心思歷涼温將軍既下世部  
曲亦罕存時事一朝異孤績誰復論少壯辭家去窮老還  
入門腰鎌刈葵藿倚杖牧雞豚昔如韝上鷹今似檻中猿

徒結千載恨空負百年冤棄席思君幄疲馬戀君軒願垂  
晉主惠不愧田子魂

放歌行

蓼蟲避葵葦習苦不言非小人自齷齪安知曠士懷雞鳴  
洛城裏禁門平旦開冠蓋縱橫至車騎四方來素帶曳長  
飊華纓結遠埃日中安能止鐘鳴猶未歸夷世不可逢賢  
君信愛才明慮自天斷不受外嫌猜一言分珪爵片善辭  
草萊豈伊白璧賜將起黃金臺今君有何疾臨路獨遲迴

白頭吟

直如朱絲繩清如玉壺冰何慙宿昔意猜恨坐相仍人情

看詩隨錄

卷七下

二

賤恩舊世議逐衰興毫髮一爲瑕邱山不可勝食苗實碩  
鼠點白信蒼蠅鳧鴒遺成美薪芻前見陵申黜褒女進班  
去趙姬昇周王日淪惑漢帝益嗟稱心賞猶難恃貌恭豈  
易憑古來共如此非君獨撫膺

苦熱行

赤阪橫西阻火山赫南威身熱頭且痛烏墮魂來歸湯泉  
發雲潭焦煙起石圻日月有恆昏雨露未嘗晞丹蛇踰百  
尺元蜂盈十圍含沙射流影吹蠱病行暉瘴氣晝熏體茵  
露夜霑衣飢猿莫下食晨禽不敢飛毒涇尙多死渡瀘甯  
具腓生軀蹈死地昌志登禍機戈船榮旣薄伏波賞亦微

財輕君尚惜土重安所希

結客少年場行

驄馬金絡頭錦帶佩吳鉤  
失意杯酒閒白刃起相讐  
追兵一旦至負劍遠行遊  
去鄉三十載復得還舊邱  
升高臨四闕表裏望皇州  
九塗平若水雙闕似雲浮  
扶宮羅將相夾道列王侯  
日中市朝滿車馬若川流  
擊鐘陳鼎食方駕自相求  
今我獨何爲埒壤懷百憂

升天行

家世宅闕輔勝帶宦王城  
備聞十帝事委曲兩都情  
倦見物興衰驟觀俗屯平  
翻類迴掌恍惚似朝榮  
窮途悔短看詩隨錄

卷七下

三

許晚志重長生從師入遠岳  
結友事僊靈五圖發金記九  
籥隱丹經風餐委松宿雲臥  
恣天行冠霞登綵閣解玉飲  
椒庭暫遊越萬里近別數千  
齡鳳臺無遣駕簫管有遺聲  
何時與爾曹啄腐共吞腥

代陳思王京洛篇

鳳樓十二重四戶八綺窗  
繡栢金蓮花桂柱玉盤龍珠簾  
無隔露羅幌不勝風寶帳三千  
所爲爾一朝容揚芬紫煙  
上垂綵綠雲中春吹回白日  
霜歌落塞鴻但懼秋塵起盛  
愛逐衰蓬坐視青苔滿臥對  
錦筵空琴瑟縱橫散舞衣不  
復縫古來共歇薄君意豈獨  
濃惟見雙黃鶴千里一相從

學劉公幹體

胡風吹朔雪千里度龍山集君瑤臺上飛舞兩楹前茲辰  
自爲美當避艷陽天艷陽桃李節皎潔不成妍

擬古

沈云擬古諸作得東思太冲遺意  
魯客事楚王懷金襲丹素旣荷主人恩又蒙令尹顧日晏

罷朝歸與馬塞衢路宗黨生光輝賓僕遠傾慕富貴人所  
欲道德亦何懼南國有儒生迷方獨淪誤伐木清江湄設  
置守鳧兔

十五諷詩書篇翰靡不通弱冠參多士飛步遊秦宮側觀  
君子論預見古人風兩說窮舌端五車摧筆鋒羞當白璧

看詩隨錄

卷七下

四

恥恥受聊城功晚節從世務乘障遠和戎解佩襲犀渠卷  
裘奉盧弓始願力不足安知今所終

幽弁重騎射少年好馳逐瓊帶佩雙鞬象弧插雕服獸肥  
春草短飛鞚越平陸朝游雁門上暮還樓煩宿石梁有餘  
勁驚雀無全目漢虜方未和邊城屢翻覆留我一白羽將  
以分符竹

鑿井北陵隈百丈不及泉生事本瀾漫何用獨精堅幼壯  
重寸陰衰暮反輕年放駕息朝歌提爵止中山日夕登城

隅周迴視洛川街衢積凍草城郭宿寒煙繁華悉何在宮

沈云卽賢愚同盡意  
闕久崩填空誇齊景非徒稱夷叔賢

蜀漢多奇山仰望與雲平陰厓積夏雪陽谷散秋榮朝朝  
見雲歸夜夜聞猿鳴憂人本自悲孤客易傷情臨堂設樽  
酒留酌思平生石以堅爲性君勿慙素誠

紹古辭

橘生湘水側菲陋人莫傳逢君金華宴得在玉几前三川  
窮名利京洛富妖妍恩榮難久恃隆寵易衰偏觀席妾悽  
愴視翰君泫然徒抱忠孝志猶爲葑菲遷

瑟瑟涼海風竦竦寒山木紛紛羈思盈慊慊夜絃促訪言  
山海路千里歌別鴝絃絕空谷嗟形音誰賞錄辛苦異人  
狀美貌改如玉徒畜巧言鳥不解心款曲

看詩隨錄

卷七下

五

孤鴻散江嶼連翩道渚飛含嘶衡桂浦馳顧河朔畿攢攢  
勁秋木昭昭淨冬暉窗前滌歡爵帳裏縫舞衣芳歲猶自  
可日夜望君歸

昔與君別時蠶妾初獻絲何言年月駛寒衣已擣治緜繡  
多廢亂篇帛久塵縑離心壯爲劇飛念如懸旗石席我不  
沈云易旌爲旌古人亦  
有此種強押  
爽德音君勿欺

詠史

五都矜財雄三川養聲利千金不市死明經有高位京城  
十二衢飛蕘各鱗次仕子影華纓遊客竦輕轡明星晨未  
晞軒蓋已雲至賓御紛颯沓鞍馬光照地寒暑在一時繁

華及春媚君不獨寂寞身世兩相棄

沈云佳得斗絕

登黃鶴磯

木落江渡寒雁還風送秋臨流斷商絃瞰川悲棹謳適郢

沈云出語著堅發端有力

無東轍還夏有西浮三崖隱丹磴九派引蒼流淚竹感湘

別弄珠懷漢游豈伊藥餌泰得奪旅人憂

日落望江贈荀丞

旅人乏愉樂薄暮增思深日落嶺雲歸延頸望江陰亂流

濃大壑長霧匝高林林際無窮極雲邊不可尋惟見獨飛

鳥千里一揚音推其感物情則知遊子心君居帝京內高

會日揮金豈念慕羣客咨嗟戀景沈

看詩隨錄

卷七下

六

行京口至竹里

高柯危且竦鋒石橫復仄複澗隱松聲重崖伏雲色冰閉

陳明祚評前段語蒼勁

寒方壯風動鳥傾翼斯志逢彫嚴孤遊值曛逼兼途無憩

鞍半菽不遑食君子樹令名細人效命力不見長河水清

濁俱不息

從登香爐峯

辭宗盛江漢登歌美鳧嶧徒收杞梓饒曾非羽人宅羅景

沈云明遠五古亦在顏謝之間雖取與謝公相近而自然處不及

蕩雲肩沾光扈龍策御風親列涂乘山窮禹跡含嘯對霧

岑延蘿倚峰壁青冥搖煙樹穹跨負天石霜厓滅土膏金

澗測泉脈旋淵抱星漢乳竇通海碧谷館駕鴻人巖棲咀

丹容殊物藏珍怪，奇心隱仙籍。高世伏音華，綿古通精魄。  
蕭瑟生哀聽，參差遠驚覲。慚無獻賦才，洗汗奉毫帛。

### 登廬山

懸裝亂水區，薄旅次山楹。千巖盛阻積，萬壑勢迴滢。龍崕  
高昔貌，紛亂襲前名。洞澗窺地脈，聳樹隱天經。松磴上迷  
密，雲竇下縱橫。陰冰實夏結，炎樹信冬榮。嘈噴晨鷗思，叫  
嘯夜猿清。深厓伏化迹，窮岫闕長靈。乘此樂山性，重以遠  
遊情。方躋羽人途，永與煙霧并。

### 登廬山望石門

訪世失隱淪，從山異靈士。明發振雲冠，升嶠遠棲趾。高岑

### 看詩隨錄

### 卷七下

七

隔半天長厓，斷千里氛霧。承星辰潭壑，洞江汜嶄絕。類虎  
牙噴吼，象熊耳埋冰。或百年韜樹，必千祀雞鳴。清澗中猿  
嘯白雲裏，瑤波逐穴開。霞石觸峯起，迴互非一形。參差悉  
相似，傾聽鳳管賓。緬望釣龍子，松桂盈膝前。如何穢城市，  
還都至三山望石城。

泉源安首流，川末澄遠波。晨光被水族，曉氣歇林柯。兩江  
皎平迴，三山鬱駢羅。南帆望越嶠，北榜指齊河。關扃繞天  
邑，襟帶抱尊華。長城非壑險，峻阻似荆芽。攢樓貫白日，攜  
堞隱丹霞。征夫喜觀國，遊子遲見家。流連入京引，躑躅望  
鄉歌。爾前歎景促，逾近勸路多。偕萃猶如茲，宏易將謂何。

發後渚

江上氣蚤寒仲秋始霜雪從軍乏衣糧方冬與家別蕭條  
沈云蘇句蕭生靈不肯凡近  
背鄉心悽愴清渚發涼埃暉平臯飛潮隱修槎孤光獨徘徊  
徇空煙視昇滅途隨前峯遠意逐後雲結華志分馳年韶  
顏慘驚節推琴三起歎聲爲君斷絕

和王丞

限生歸有窮長意無已年秋心日迴絕春思坐連緜銜協  
曠古願斟酌高代賢迹迹俱浮海採藥共還山夜聽橫石  
波朝望宿巖煙明澗子沿越飛蘿子縈牽性好必齊遂迹  
幽非妄傳滅志身世表藏名琴酒間

看詩隨錄

卷七下

八

上潯陽還都道中作

昨夜宿南陵今旦入蘆洲客行借日月崩波不可留侵星  
赴早路畢景逐前傳鱗鱗夕雲起獵獵晚風遁騰沙鬱黃  
霧翻浪揚白鷗登臚眺淮甸掩泣望荆流絕目盡平原時  
見遠煙浮倏忽坐還合俄思甚兼秋未嘗違戶庭安能干  
里遊誰令乏古節貽此越鄉憂

吳興黃浦亭庾中郎別

風起洲渚寒雲上日無輝連山眇煙霧長波迴難依旅雁  
方南過浮客未西歸已經江海別復與親眷違奔景易有  
陳云十字祖席警切  
窮離衷安可揮懽觴爲悲酌歌服成泣衣温念終不渝藻

志遠存追役人多牽滯顧路慙奮飛昧心附遠翰炯言藏  
佩章

贈傅都曹別

輕鴻戲江潭孤雁集洲沚邂逅兩相親緣念共無已風雨  
好東西一隔頓萬里追憶棲宿時聲容滿心耳落日川渚  
寒愁雲繞天起短翮不能翔徘徊煙霧裏

遇銅山掘黃精

沈沈云清而幽謝公詩中無此一種此唐人先聲也  
士肪閨中經水芝韜內策寶餌緩童年命藥駐衰厯矧著

終古情重拾煙霧迹羊角棲斷雲榼口流隘石銅溪畫森  
沈乳竇夜涓滴旣類風門磴復像天井壁蹠蹠寒葉離濃  
看詩墮錄

卷七下

九

叢秋水積松色隨野深月露依草白空守江海思豈愧梁  
鄭客得仁古無忽順道今何惜

秋夜

陳陳詳明遠詩惟是隱淪之嗟與時序之感此首倍  
逖跡清切避紛喧貨農棲寂寞荒徑馳野鼠空庭聚山雀旣遠

人世歡還賴泉卉樂折柳樊場圃負綆汲潭壑霽旦見雲  
峰風夜聞海鶴江介早寒來白露先秋落麻蕘方結葉瓜  
田已掃籜傾暉忽西下迴景思華幕攀蘿席中軒臨觴不  
能酌終古自多恨幽悲共淪鑠

翫月城西門廨中

沈沈云少陵所謂後逖應指此種  
始見西南流纖纖如玉鈎未映西北墀娟娟似娥眉娥眉

蔽珠櫳玉鈞隔鎖窗三五二八時千里與君同夜移衡漢  
落裘徇帷戶中歸華先委露別葉蚤辭風客遊厭苦辛仕  
子倦飄塵休澣自公日宴慰及私辰蜀琴抽白雪郢曲發  
陽春肴乾酒未闌金壺起夕淪迴軒駐輕蓋留酌待情人  
題書後寄行人  
鮑令暉

傲曹子建樂府白馬篇

袁淑

劍騎何翩翩長安五陵間秦地天下樞入方湊才賢荆魏  
看詩隨錄  
卷七下  
十

多壯士宛洛富少年意氣深自負肯事郡邑權藉藉關外  
來車徒傾國鄜五侯競書帛羣公亟爲言義分明於霜信  
行直如弦交歡池陽下留宴汾陰選注協先西一朝許人諾何能坐  
相捐影節去函谷投珮出甘泉嗟此務遠圖心爲四海懸  
但營身意遂豈校耳目目前俠烈良有聞古來共知然

傲古

訊此倦遊士本家自遼東昔隸李將軍十載事西戎結車  
高關下極望見雲中四面各千里縱橫起嚴風寒煥豈如  
節雨雪多異同夕寐北河陰夢還甘泉宮勤役未云已壯  
年徒爲空迺知古時人所以悲轉蓬

擬明月何皎皎

劉 鏞

落宿半遙城浮雲藹層闕玉宇來清風羅帳延秋月結思  
想伊人沈憂懷明發誰爲客行久屢見流芳歇河廣川無  
梁山高路難越

荅顏延年

王僧達

長卿冠華陽仲連擅海陰珪璋旣文府精理亦道心君子  
聳高駕虛軌實爲林崇情無遠迹清氣溢素襟結遊略年  
義篤顧棄浮沈寒榮共偃曝春醞時獻斟聿來歲序暄輕  
雲出東岑麥蘗多秀色楊園流好音歡此乘日暇忽忘逝  
景侵幽哀可用慰翰墨久諸吟棲鳳難爲條淑貺非所臨  
看詩隨錄

卷七下

十一

誦以永周旋匪以代兼金

怨詩行

湯惠休

明月照高樓含君千里光巷中情思滿斷絕孤妾腸悲風

沈云只一起便是絕唱文通碧雲之句庶足相擬

盪帷帳瑤翠坐自傷妾心依天末思與浮雲長嘯歌視秋  
草幽葉豈再揚暮蘭不待歲離華能幾芳願作張女引流  
悲繞君堂君堂嚴且祕絕調徒飛揚

雜詩

王 徽

思婦臨高臺長想憑華軒弄絃不成曲哀歌送苦言箕帚  
留江介良人處雁門詎憶無衣苦但知狐白溫日暗牛羊  
下野雀滿空園孟冬寒風起東壁正中昏朱火獨照人抱

景自愁怨誰知心曲亂所思不可論

贈范曄

陸凱

折花逢驛使寄與隴頭人江南無所有聊贈一枝春

看詩隨錄

卷七下

三

看詩隨錄卷七終

門下晚生

黎敬先

錚校字

